

王焱
編

日本漢文學百家集

133



YSP
北京燕山出版社



王焱 主編

日本漢文學百家集
133



北京燕山出版社

第一三三册

春台先生紫芝園後稿 卷一至卷八 太宰春台著 寶曆二年……一

初編

春臺先生著

紫芝園後稿

江都

書肆嵩山房梓

香臺先生紫芝園後稿卷之一

門人 東都

稻垣長章釋明

堤 有節仲文 輯

風雅

海風。海濱之民愛其宰也。言勤于政事而劬勞
焉。

子宰我邑。在海之北。海風吹子。使子面黑。

子宰我邑。在海之瀉。海風吹子。使子身瘠。

子宰我邑。在海之洲。海風吹子。使子心憂。

海水孔鹹。煮之為鹽。子也。勞苦使我食甘。

海風四章章四句

記曰。正德中。總州海濱之民歌曰。夙操閹鉢罵儺。

夔部。跼鳥葛。溼服。閹蛇。尼沐。列鐵。逸碌。儺姑。碌。薩。欲。那。耶。此。倭。語。也。以。漢。語。譯。之。夙。捺。

閹。吾。子。也。罰。語。辭。猶。漢。言。者。也。鉢。罵。濱。也。儺。語。辭。猶。之。字。也。語。同。尊。之。辭。部。跼。鳥。宰。

溼。服。海。水。也。猶。言。宰。君。也。葛。疑。辭。猶。言。乎。也。馬。攪。擾。也。列。鐵。語。辭。猶。所。字。也。逸。碌。色。也。姑。

碌。黑。也。薩。欲。歎。辭。猶。言。哉。也。那。耶。並。語。辭。言。吾。子。者。海。濱。之。宰。君。乎。何。其。為。海。風。所。攪。擾。

而。面。色。之。黑。哉。此。歌。雖。為。辭。鄙。俚。而。有。古。時。遺。風。焉。近。世。民。間。歌。謠。多。猥。褻。唯。此。稍。可。聽。

也。故。詩。人。翻。之。衍。為。四。章。以。續。古。者。國。風。之。遺。響。也。其。實。古。之。所。謂。

風。詩。者。不。過。如。是。云。爾。

維魚言民之歸仁也。

維魚適滌。維鳥適叢。維民焉適。仁人之邦。

維魚適淵。維鳥適園。維民焉適。仁人之門。

魚兮鳥兮。安其有所。民之歸兮。懷此樂土。

維魚三章章四句

三言

猗蘭。藤侯將戍。平安。置酒與諸。爭別。分賦十二

體。得風字。

侯西征。衆會同。設祖帳。江之東。玉爵潔。金罍充。絲竹

奏樂三終。衆具醉。氣成虹。僕姑矢。烏號弓。弋六鷁。殪
五豸。撲熠燿。激晨風。侯馬良。華驪驄。侯于征。鼓逢逢。
溫其色。子之丰。奮長策。啓元戎。盡余言。效余衷。驪駒
唱。起相從。遵大路。意無窮。

五言古

故刑部侍郎隨雲源公挽歌

哀哉人間世。忽如駒過隙。彭祖猶爲夭。况迺未滿百。
滿百既希有。下壽亦難得。云胡君不淑。壯歲捐賓客。
朝從車騎出。暮歸遽易簣。無惊萬戶富。編名新鬼籍。

內外哭盡哀。男踊婦女擗。有司俄告期。奠獻啓西壁。
宮中何嘈嘈。魂輿何寂寂。銘旌含悲風。旆旆向城北。
城北多丘陵。安厝有幽宅。冥冥長夜臺。玄廬翳松柏。
薤露歌聲絕。班馬嘶不息。日月無停晷。斯須成疇昔。
嗚咽呼蒼天。淚下霑膏臆。

、文種詩應大坂處守源公賴總教 并序

唐裴晉公嘗言吾輩但可令文種無絕。然其間有
成功能致身卿相則天也。大坂處守源公賴總甚
嘉是言。命純衍之爲詩。於是作五言詩一篇。

君子貴文德。冠冕臨四海。人望何所歸。昇平仰良宰。
文德自有種。栽培深根抵。藏之無形跡。發之揚光彩。
伊尹負鼎俎。傳說困胥靡。登庸相聖主。先後罔一揆。
勲績崇當世。名譽流千載。窮達心如結。二賢豈不偉。
芳蘭生幽谷。荏苒厠衆卉。雖無識者知。馨香安可已。
願君養靈苗。以俟佳人採。

公燕

冉冉歲云暮。急景迫玄冬。公子好賓客。愛敬意無窮。
張宴華屋下。旨酒盈樽中。前庭開軒幌。後堂擊洪鐘。

雪霰飛如華。紛紛滿太空。合坐促杯行。嘉肴左右從。
客有悲歌士。長歎氣如虹。秦箏和燕筑。妙技皆良工。
樂只賢主人。笑語與人同。永日不知倦。飲酣禮益恭。
滿堂齊稱願。明德世所宗。凱悌膺多福。壽考且令終。

奉謝小倉中將藤公惠書

紫微列月卿。親衛重郎將。弧矢威不若。虎賁意氣壯。
倉君雅好文。摘藻頗豪宕。千里爰咨諏。四方更博訪。
茫茫東海濱。帛書降天上。豈謂巖穴下。居然承嘉貺。
慕古一何甚。至性真可尚。鄙人殊蹇劣。奉教愧無狀。

瞻仰長安貝。葵心知所向。俱待雲霄中。遐舉滿衆望。

七言古

奉呈猗蘭藤公

藤侯新領羽林兵。奉詔西戍平安城。東方千騎森成列。躍馬意氣欲橫行。主將威名倚節鉞。王事靡盬輕九折。旌旆曉度函嶺雲。劔花晴看芙蓉雪。逶迤驛道遵海濱。五墩十亭望清塵。置酒不厭滿堂客。坐謀且留入幕賓。君不見平安高城近日邊。桓武草創已千年。地勢四塞山河固。皇圖萬世金石堅。那知海宇

中鼎沸。神祖一怒定九原。五戎將校擢智勇。三輔
豪傑舉才賢。歸馬放牛百姓歡。釋棚鬯弓四海安。昇
平之民齊鼓腹。百歲長見漢衣冠。滕侯天才兼文武。
麾下精銳咸如虎。可惜勇力無所用。何似燕喜肆劍
舞。聞說軍中有餘閒。知君長嘯對西山。

中條圖南惠風字硯賦此寄謝

湖北之山出美石。文理縝密更無敵。工人彫琢成硯
池。風字宛然飛沙礫。西臺韻士字圖南。爲人豁達能
劇談。對酒自稱高陽徒。且飲且談動傾壺。興酣每誇

湖北勝美石聲價亞照乘。座中聞者皆歎羨。人人慙
勲求半片。海內物產試比方。赤馬獨來爭最殿。天然
良材世所知。虎斑既已入勅選。圖南往日杯酒間。
與我握手且留連。去時一言許此物。即今送來曲几
前。巧手彫成風字象。徑尺墨池貯潑沆。春臺子平生
疎放不自量。時復玩物心欲狂。那知力不勝椽筆。乘
醉揮灑數十張。傍人含笑稱得意。豪氣直欲凌鍾王。
寫罷新詩與誰看。思君不見雲山長。

醉後戲渡邊生狂歌

邊生志士善取友。宰子狂者喜飲酒。西京東都別復
逢。銜杯慷慨重握手。紫芝園中草木深。黃鳥時來發
好音。錦衣玉舄人所羨。何如醕酌卧綠陰。人生上壽
百二十。可憐牛山淚橫集。一日開口須盡歡。居然失
時悔何及。

送麟嶼童子遊西京

田郎妙齡好遠遊。一旦尋師西入周。天邊月落函關
曉。雲際星流渤海秋。周道如砥任奔走。那知古人骨
已朽。到日試問柱下宮。徃時老聃今在否。

王孫行

長安大道經皇城。南北爲縱東西橫。街衢洞達方九軌。牛馬人民共通行。王孫貴種生驕泰。高車鳴鑿飛華蓋。連騎橫行大道中。往來轂擊相妨礙。海內輻輳帝王都。大道豈是一人途。王孫驕恣無禮讓。好使僕夫畧天衢。君不聞虞芮朝周。慙且歎。行者讓路。耕者畔。何有徹侯王子孫。與人相高立厓岸。昇平貴人性膏粱。于色于酒恒淫荒。三風十愆皆具備。那知厥身速危亡。君不見近日王孫患貧窶。旦暮衣食仰商賈。